



SUD BiH Čauševiću i ostalima određen jednomjesečni pritvor

Potjernica za Đurićem, slijede nova hapšenja

Pritvor Čauševiću, braći Cvjetinović, Sadikoviću, Jovanoviću, Nikiću, Kragulju, Imširović i Čosoviću, uhapšenima u akciji "Pandora"

Na prijedlog Državnog tužilaštva, Sud BiH odredio je jučer jednomjesečni pritvor osumnjičenima u predmetu "Kemal Čaušević i drugi".

Ogromne štete

Zbog mogućnosti bijega, utjecaja na svjedoke ili uništavanja dokaza, Sud BiH odredio je jednomjesečni pritvor prvoosumnjičenom Kemalu Čauševiću, bivšem direktoru Uprave za indirektno oporezivanje (UIO), Zdravku Cvjetinoviću, direktoru Sektora za carine UIO, Zoranu Cvjetinoviću, Anesu Sadikoviću, Janki Jovanoviću, Milanku Nikiću, Miroslavu Kragulju, Enisi Imširoviću i Jusufu Čosoviću.

Uhapšeni u akciji Agencije za istrage i zaštitu (SIPA) BiH kodnog naziva "Pandora" sumnjice se za organizirani kriminal, zloupotrebu položaja, stvaranje monopolističkog položaja



ĐURIĆ:
Pobjegao uoči akcije



Prilikom hapšenja Čauševića: Bivši direktor UIO prvoosumnjičeni

na tržištu, pranje novca, poreznu utaju i protivzakonito posredovanje. Kako saznajemo, uskoro će uslijediti nova hapšenja u ovoj akciji.

Prema navodima Tužilaštva BiH, uhapšene osobe su dio kriminalne organizacije koja je državi BiH nanosila štetu od 2004. godine, odnosno od početka mandata Kemala Čauševića na poziciji direktora UIOBiH. Tužiocima su naveli da će dokazati da je zbog krivičnih djela ove grupe budžet

BiH godišnje bio oštećen za više od dvije milijarde KM!

Kemal Čaušević je, posjetimo, s pozicije direktora UIO otišao u februaru 2011., ali je njegove poslove preuzeo Zdravko Cvjetinović, kojeg je upravo Čaušević postavio na poziciju direktora Sektora za carine, uprkos činjenici da je ranije nepravomoćno osuđivan za zloupotrebu položaja.

Također, Anes Sadiković, koji se u četvrtak predao državnim pravosudnim organima, a s kojim je, prema navodima Tužilaštva BiH, Čaušević stupio u kontakt

preko Ramiza Delalića Čele, proteklih godina uvozom kineske robe te carinskim malverzacijama oštetio je budžet BiH za nevjerovatnih 300 miliona KM.

Napustio državu

Jednomjesečni pritvor Tužilaštvo BiH zatražilo je i za Radovana Đurića, kuma Zdravka Cvjetinovića, koji je dva dana prije akcije napustio državu i još je u bijegu. Kristina Jozić, portparol SIPA-e, potvrdila je za "Avaz" da Đurić još nije uhapšen, ali da se "Pandora" nastavlja dok svi osumnjičeni u ovom predmetu ne budu locirani, uhapšeni i predati Tužilaštvu BiH na daljnju obradu.

Državno tužilaštvo zatražit će raspisivanje međunarodne potjernice za Đurićem.

E. TRAKO

Veza Bašića i Mehmedovića

U akciji "Pandora" uhapšen je i Emir Bašić, tjelohranitelj državnog poslanika Šemsudina Mehmedo-

vića (SDA). Kod Bašića su, podsjećamo, pronađene krivotvorene novčanice u apocinima od 100 eura. Upravo bi

Bašićev iskaz tužiocima mogao poslužiti za raskrinkavanje dugogodišnje veze Mehmedovića i Sadikovića.